

Language Hayda Canaaneh Lebneeh

ملاحظة: أوقات السيد طوني حدشيتي بيكتب باللغة الكنعانية، يلي البعض بسميا لبنانية، والبعض الآخر بسميا عربي دارج. وبيستعمل الحرف العربي إلى حين تنشيط الأبجدية الكنعانية يوماً ما.

كتب السيد طوني حدشيتي: كتار عم يسألو ليش تغيّرت طريئة كتابتي آخر فترا.

الجواب بالمختصر: هيدا كنعاني-لبناني بس ب حرف عربي.

كل لغات العالم بتطوّر، واليوم نحنا بلبنان عم نحكي كنعاني مطوّر بالنسبي للأديم، وهيدا شي حسمو معاهد اللغات بالعالم من برلين للنندن لغيرا، بعد ما درسو الأواعد اللغوي وطريقة تركيب الجمل (Syntaxe)، عدا المفردات. ولأعطي مثل صغير كيف اللغات بتطوّر، هيدا link بيشرح ال English كيف كان من اكثر من ١٠٠٠ سني وكيف اتطوّر وتغيّر مع الزمن:

<https://ibb.co/4snfvhz>

وليش عطول بؤول "كنعاني-لبناني"؟

لان في كنعاني - سوري وكنعاني - فلسطيني وكنعاني - أردني (وكان في كنعاني قرطاجي من زمان) مثل ما بال English في عنا:

American-English

British-English

Australian-English

واكيد اللغات الأريبي جغرافين بتكون بشتبه بعضا اوات حسب العبارات، مثلن:

French: Je regarde la télévision.

Italian: Guardo la tv.

Spanish: Yo veo la televisión. (Je vois)

و اوات نفس الجملي ما بتشبه بعضا:

العربي: أشاهد التلفاز.

الكنعاني: عَمبَحْضَر تَيْفِي / 3amb7dar TV.

وهون رح اشرح الشبه بين اللغا الكنعاني اللبناني الأديمي (٥٠٠ أبل الميلاد، ع أبر تبنيت ملك صيدا) واللغا الكنعاني الحديسي واللغا العربي:

- لغا كنعاني لبناني ~ ٥٠٠ أبل الميلاد (هيك مكتوب حرفياً عل أبر، بس بالحرف الكنعاني أكيد): عل يكن لك زرع بحيم تحت شمش

- لغا كنعاني لبناني حديسي (فضّلنا نكتبا هون بالحرف العربي مش باللاتيني): لا يُكون إلْك وُلاد (زرع) عايشين تحت الشّمس

- لغا عربي (بالحرف العربي أكيد): فألاً يكون لك أيُّ أولادٍ (زرع) أحياء تحت الشّمس

وبالمناسبة، الكنعاني أعدم من العربي (وهيدا شي مش معيب للُّغا العربيّ، عادي!) (إلا بالتعاليم الإسلامي، العربي "لغة الله منذ الأزل")

وباللُّغا الكنعانيّ، منكتب ومنحكي ذات الشي فكر مال هيك ما مثلنزم بقواعد اللُّغا العربيّ.

انا ما بجهل اللُّغا العربيّ، انا في عندي كُزّا مآل بالعربي وهيدا واحد ممن:

[/https://www.beirutobserver.com/2011/02/hadchity](https://www.beirutobserver.com/2011/02/hadchity)

كمان فينا نكتب الكنعاني ب حرف لاتيني (a b c d e...). مثل ما فينا نكتب ايا لغا بأيّا حرف (بس أوات بكون في نأص). ومتلاً بالكنعاني في ع بس ما الا حرف بالعربي. فمن حط "ألف". وضمن الحرف اللاتيني فينا نستعمل الأبجدية وطُروُ اللفظ الإنكليزي أو الفرنساوي: مشتّايين: Mshetteyeen أو Mchettéyine.